

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona, broj: 7/10), na prijedlog Ministarstva za privredu, Vlada Zeničko-dobojskog kantona, na 97. sjednici, održanoj 01.06.2017. godine, d o n o s i

ZAKLJUČAK

I.

Prihvata se Informaciju o koncesijama na području Zeničko-dobojskog kantona za 2016. godinu, koja čini sastavni dio ovog Zaključka.

II.

Informacija iz tačke I. ovog zaključka upućuje se u skupštinsku proceduru.

III.

Zaključak stupa na snagu danom donošenja.

Broj: 02-_____ /17.
Datum, 01.06.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za privredu,
1x Stručna služba Skupštine,
1x a/a.



**INFORMACIJA O KONCESIJAMA
NA PODRUČJU ZENIČKO-DOBOJSKOG KANTONA
ZA 2016. GODINU**

Zenica, maj 2017. godine

INFORMACIJA O KONCESIJAMA NA PODRUČJU ZENIČKO-DOBOJSKOG KANTONA ZA 2016. GODINU

UVOD

1. DODIJELJENE KONCESIJE DO 2016. GODINE

- 1.1. Dodijeljene koncesije na istraživanje i eksploataciju čvrstih mineralnih sirovina do 31.12.2015. godine
- 1.2. Prihodi i rashodi od koncesionih naknada do 31.12.2015. godine

2. DODJELA KONCESIJA U 2016. GODINI

- 2.1. Dodjela koncesija na istraživanje i eksploataciju čvrstih mineralnih sirovina u 2016. godini
- 2.2. Koncesije u postupku
- 2.3. Koncesiona naknada i eksploatisane količine čvrstih mineralnih sirovina u 2016. godini

3. PRIHODI OD KONCESIONIH NAKNADA U 2016. GODINI

- 3.1. Prihodi od jednokratne koncesione naknade u 2016. godini
- 3.2. Prihodi od kontinuirane koncesione naknade u 2016. godini

4. RASHODI IZ KONCESIONIH NAKNADA U 2016. GODINI

- 4.1. Rashodi prema Programu utroška budžetskih sredstava od koncesija u 2016. godini
- 4.2. Alokacija koncesionih naknada po općinama u 2016. godini

5. ZAKLJUČAK

UVOD

U skladu sa Programom rada Vlade i Skupštine Zeničko-dobojskog kantona za 2017. godinu, Ministarstvo za privredu je sačinilo Informaciju o koncesijama na području Zeničko-dobojskog kantona za 2016. godinu.

Oblast koncesija uređena je sljedećim zakonima:

- Zakonom o koncesijama Bosne i Hercegovine («Službeni glasnik Bosne i Hercegovine», broj: 32/02),
- Zakonom o koncesijama Federacije Bosne i Hercegovine («Službene novine Federacije Bosne i Hercegovine», broj: 40/02) ,
- Zakonom o koncesijama Zeničko-dobojskog kantona («Službene novine Zeničko-dobojskog kantona», broj: 05/03),
- Zakonom o geološkim istraživanjima Zeničko-dobojskog kantona („Službene novine Zeničko-dobojskog kantona“, broj:8/12)
- Zakonom o rudarstvu Zeničko-dobojskog kantona („Službene novine Zeničko-dobojskog kantona“, broj:10/12)
- Zakonom o dopunama Zakona o koncesijama („Službene novine Federacije BiH“, broj:61/06);
- Pravilima o postupku dodjele koncesije („Službene novine Federacije BiH“, broj:68/06);

U skladu sa navedenim, nadležnosti Kantona u oblasti dodjele koncesija su slijedeće:

1. istraživanje i/ili eksploatacija:
 - energetske mineralne sirovine (ugalj, sirova nafta, zemni gas i dr.),
 - metalnih i nemetalnih mineralnih sirovina iz primarnih i sekundarnih ležišta,
 - svih vrsta soli i solnih voda,
 - ljevitih, termalnih i mineralnih voda i izvorišta prirodnih voda za piće.
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/ili korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdijevanje gradova i naselja,
11. snabdijevanje toplotnom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

U nadležnosti Ministarstva za privredu su sljedeći predmeti koncesija:

- energetske mineralne sirovine (ugalj, sirova nafta, zemni gas i dr.);
- metalne i nemetalne mineralne sirovine iz primarnih i sekundarnih ležišta;
- hoteli i ostali turistički objekti;

Kao rezultat gore navedenih ovlaštenja i zakonom definisanih obaveza, Ministarstvo za privredu Zeničko-dobojskog kantona je pokrenulo i realiziralo niz aktivnosti vezanih za dodjelu koncesija na istraživanje i eksploataciju čvrstih mineralnih sirovina.

U nastavku Informacije dat je pregled do sada dodijeljenih koncesija do 2016. godine, a posebno u 2016. godini, sa finansijskim tokovima i programskim aktivnostima u 2016. godini.

Koncesionari su u 2016. godini funkcionirali u ambijentu opterećenom smanjenom potražnjom za mineralnim sirovinama. Međutim, bitno je pomenuti nastavak izgradnje autoputa na koridoru V-c, kao i obnovu željezničke infrastrukture, što bi trebalo imati za posljedicu povećanje proizvodnje i upotrebe agregata krečnjaka i magmata kod privrednih subjekata koji su bliže samoj lokaciji gradnje. Ove činjenice bi trebale u znatnoj mjeri uticati na poslovni rezultat koncesionara, kao i na ukupan prihod od koncesionih naknada.

1. DODIJELJENE KONCESIJE DO 2016. GODINE

1.1. Dodijeljene koncesije na istraživanje i eksploataciju čvrstih mineralnih sirovina

Tokom proteklog perioda u skladu sa Zakonu o koncesijama, više domaćih i stranih investitora je iskazalo interes za dodjelu koncesija na istraživanje i eksploataciju čvrstih mineralnih sirovina, kako metalnih tako i nemetalnih. To su bili samoinicijativni zahtjevi i odnosili su se na istraživanje i eksploataciju mineralnih sirovina krečnjaka, dijabaza, fliša, dolomita, spilita, glina, lapora, rožnaca, gabra, kvarcnog pijeska i td., metalnih mineralnih sirovina olova-ceruzita, cinka, barita, te istraživanje i eksploataciju uglja.

Kako postupak kod dodjele koncesije obuhvata dobijanje niza stručnih mišljenja i saglasnosti, te obavezno raspisivanje Javnih poziva, proces do potpisivanja ugovora o koncesiji je relativno dug. Veliki problem u realizaciji zahtjeva za dodjelu koncesija predstavlja nedorečenost Zakona o koncesijama FBiH, pa i Zakonu o koncesijama Zeničko-dobojskog kantona. Poseban problem, posljednjih godina je bilo nepostojanje Zakona o šumama FBiH, koji je potpuno zaustavio neke upravne postupke zbog nedefinisanja vlasnika na šumskom zemljištu (primjer „Libos“ d.o.o. Žepče, „Marmex“ d.o.o. Sarajevo i dr.).

Zaključno sa 31.12.2015. godine, potpisano je 23. ugovora o koncesiji za istraživanje i eksploataciju čvrstih mineralnih sirovina. Takođe, bitno je pomenuti činjenicu da je u skladu sa Zakonom o koncesijama u tri slučaja izvršeno prenošenje koncesionog prava sa jednog privrednog subjekta na drugi („Bosnaputevi“ d.d. Sarajevo - prenos na „Amina-Trade“ d.o.o. Sarajevo, „MM Produkt“ d.o.o. Kreševo - prenos na „Easter mining“ d.o.o. Visoko, te „Proton“ d.o.o. Žepče - prenos na „Dim-Kamenolom“ d.o.o. Žepče).

Još jednom naglašavamo da je znatno usporen proces dodjele koncesija što je posljedica nedonošenja Zakona o šumama i novog Zakona o koncesijama FBiH, koji je povučen pred drugo čitanje u Domu Naroda Federacije BiH.

Pregled privrednih subjekata – koncesionara sa kojima su potpisani ugovori o dodjeli koncesije za istraživanje i eksploataciju mineralnih sirovina do 31.12.2015. godine sa osnovnim podacima, dat je u tabeli 1.

Tabela 1. Pregled koncesionara sa potpisanim koncesionim ugovorom za istraživanje i eksploataciju čvrstih mineralnih sirovina do 31.12.2015. godine.

R. br.	KONCESIONAR – SJEDIŠTE	LOKACIJA LEŽIŠTE	PREDMET KONCESIJE	UGOVOR – BROJ I DATUM
1	2	3	4	5
1.	„TVORNICA CEMENTA “KAKANJ” d.d. Kakanj	Greben – Kakanj	Istraživanje i eksploatacija laporca	KC 001/2000 12.09.2000.
2.	„IGM“ d.d. Visoko	Golo brdo - Visoko	Istraživanje i eksploatacija opekarske gline	KC 002/2001 30.01.2001.
3.	„KRIVAJA - GRADNJA“ d.o.o. Zavidovići	Sokolica Zavidovići	Istraživanje i eksploatacija krečnjaka	KC 004/01 22.05.2001.
4.	„E&P“ d.o.o. Zavidovići	Ribnica – Zavidovići	Istraživanje i eksploatacija dijabaza	KC 005/01 23.10.2001.
5.	„RUDNIK KREČNJAKA “BREZA”d.o.o. Breza	Nedići – Breza	Istraživanje krečnjaka	KC 006/02 19.04.2002.
6.	„BBM-AMFIBOLIT“ d.o.o. Vareš	Stijene – Vareš	Istraživanje i eksploatacija krečnjaka	KC 08/02 17.05.2002. Anex I 09.09.2002.
		Kota – Vareš	Istraživanje i eksploatacija krečnjaka i spilita	KC 08/02 17.05.2002. Anex I 09.09.2002.
7.	„BOSNA PUTEVI“ d.d. Sarajevo	Paska Luka – Olovo	Istraživanje i eksploatacija krečnjaka	KC 13/003 15.03.2004.
8.	„JAŠAREVIĆ KOP“ d.o.o. Tešanj	Krtović-Kalošević	Istraživanje i eksploatacija krečnjaka	KC 19/06 15.09.2006.
9.	„BREZA DOM“d.o.o. Sarajevo	Krivodol – Morača – Župča – Breza	Istraživanje i eksploatacija krečnjaka	KC 17/05 od 25.04.2005.
10.	“SANEX” d.o.o. Breza	„Nezirov Gaj“ Breza	Istraživanje i eksploatacija pijeska	KC 20/2007 23.04.2007.
11.	“CESTING” d.o.o. Žepče	„Papratnica“ Žepče	Istraživanje i eksploatacija dijabaza	04-18-23400/08 16.09.2008. Koncesija prenešena sa „NBI Čurić“ Broj:04-18-23400-1/08 od 19.10.2009. god.

1	2	3	4	5
12.	„PROTON“ d.o.o. Žepče	„Ograjna“ Žepče	Istraživanje i eksploatacija dijabaza	04-18-11834/08 16.09.2008.
13.	„GREENSTONE“ d.o.o Maglaj	„Donji Rakovac“ Maglaj	Istraživanje i eksploatacija dijabaza	04-18-7132-12/08 31.10.2008. Ugovor raskinut:
14.	„LIBOS“ d.o.o. Begov Han-Žepče	„Kuluk“-Begov Han	Istraživanje i eksploatacija dijabaza	04-18-367-6/09 11.12.2009. Trajanje 20. godina
15.	„HAJDIĆ“ d.o.o. Maglaj	Kosova-Maglaj	Istraživanje i eksploatacija krečnjaka	04-18-28423/11 11.03.2011. Trajanje 20. godina
16.	„CESTING“ d.o.o. Žepče	Papratnica-Žepče	Istraživanje i eksploatacija dijabaza	04-18-23400/09 19.10.2009. Trajanje 20. godina
17.	JP Elektroprivreda „RUDNIK MRKOG UGLJA ZENICA“ d.o.o. Zenica	Mošćanica	Istraživanje i eksploatacija krečnjaka	04-18-12111-1/10 21.09.2010. Trajanje 30. godina
18.	„LIBOS“ d.o.o. Begov Han-Žepče	„Krmance“-Begov Han	Istraživanje i eksploatacija dijabaza	04-18-7660-1/11 18.04.2011. Trajanje 25. godina
19.	„ALMY-TRANSPORT“ d.o.o. Zenica	„Bistričak-Nemila“	Istraživanje i eksploatacija fliša i roznaca	04-18-4620-1/11 25.03.2011. Trajanje 10. godina
20.	„GEOMET“ d.o.o. Srebrenica	Rudnik olova Olovo	Istraživanje i eksploatacija ceruzita	04-18-15242-1/12 20.07.2012. Trajanje 25. god.
21.	„EASTER MINING“ d.o.o. Visoko	„Veovača 1. i 2.“, „Rupice-Juraševac“, „Brestić“ – općina Vareš	Istraživanje i eksploatacija olova, cinka i barita	04-18-21389-1/13 12.03.2013. Trajanje 25. god.
22.	„ŽGP“ d.o.o. Zenica	„Široke stijene“	Istraživanje i eksploatacija krečnjaka	04-18-15802-1/13 28.08.2013. Trajanje 25. god.
23.	„KOMGRAD – Z“ d.o.o. Zenica	„Crkvice – Kamenolom“	Istraživanje i eksploatacija krečnjaka	04-18-15802-1/14 17.12.2014. Trajanje 25. god.

1.2. Prihodi i rashodi od koncesionih naknada do 31.12.2015. godine

Prema koncesionim ugovorima svi koncesionari su dužni izmirivati obaveze plaćanja kontinuirane koncesione naknade za korištenje predmeta koncesija u onom obimu u kojem su eksploatirali mineralne sirovine u određenom vremenskom periodu, a prema visini naknade koja je definisana koncesionim ugovorom. Međutim, privredni subjekti koji nisu uspjeli eksploatirati niti minimalnu količinu, koja je definisana koncesionim ugovorom, dužni su platiti koncesionu naknadu za ugovorenu minimalnu eksploatiranu količinu mineralne sirovine.

U periodu 2006.-2015. godina, ostvareni su prihodi od koncesionih naknada, te su alocirani prema općinama na čijoj teritoriji se vrši eksploatacija, ranije u omjerima (Općina – Kanton) 30:70, i 50:50, a

prema Odluci Vlade broj: 02-14-2093/13 od 24.1.2013. godine, sa raspodjelom 70% : 30 % u korist općina. Ovi prihodi su prikazani u tabeli 2.

Tabela 2. Prihodi i rashodi od koncesija od 2006.-2015. god.

UKUPNI PRIHODI 2006.-2015. god. /KM/	RASHODI 2006.-2015. god./KM/	
	OPĆINE	ZE-DO KANTON
8.814.406,80	4.977.132,20	3.837.274,60
+ prihod za 2015. <u>861.402,42</u>	+prihod za 2015. <u>602.981,69</u>	+prihod za 2015. <u>258.420,73</u>
9.675.809,92	5.580.113,89	4.095.695,33

2. DODJELJENE KONCESIJE U 2016. GODINI

2.1. Dodijeljene koncesije na istraživanje i eksploataciju čvrstih mineralnih sirovina u 2016. godini

U 2016. godini nije potpisan niti jedan ugovora o dodjeli koncesija za istraživanje i eksploataciju čvrstih mineralnih sirovina.

2.2. Koncesije u postupku

“BBM” d.o.o. Sarajevo

Istraživanje i eksploatacija mrkog uglja na lokalitetu “Brezove Dane” kod Maglaja pokrenuo je privredni subjekt “BBM” d.o.o. Sarajevo. Površina istražno-eksploatacionog polja je oko 150 ha, sa procjenjenim rezervama uglja cca 2 miliona tona. Završeni su istražno-geološki radovi.

U postupak dodjele koncesije na eksploataciju, a u skladu sa Zakonom o koncesijama Federacije BiH u cjelosti je uključena lokalna zajednica. Već nekoliko godina pokušava se usaglasiti Ugovor o prijateljskom okruženju, koji je preduslov za davanje Saglasnosti Općinskog vijeća za dodjelu koncesije za eksploataciju uglja. Općina Maglaj insistira na obavezi budućeg koncesionara da izgradi infrastrukturne objekate čija je vrijednost cca 6 miliona KM. Općincko vijeće Maglaj u više navrata razmatralo je ovu temu, a zadnji put to je učinjeno na sjednici od 09.08.2016. godine, kada nije dalo saglasnost za dodjelu koncesije za eksploataciju uglja na ležištu “Brezove Dane”.

Imajući u vidu prethodno, Ministarstvo za privredu je 28.10.2016. godine Vladi Kantona uputilo Prijedlog Odluka o odgađanju pristupanja provođenju procedure dodjele koncesije na eksploataciju mineralne sirovine – uglja na lokalitetu „Brezove Dane“, općina Maglaj.

„GEOMET“ d.o.o. Olovo

Zahtjevom za dodjelu i proširenje koncesije na eksploataciju mineralne sirovine – ceruzita, na ležištu “Očekalj” i “Prgošev” K.O. Dugandžići (prostor predviđen za preradu), općina Olovo, aktom od

18.06.2015. godine, Ministarstvu za privredu Zeničko-dobojskog kantona obratio se koncesionar „GEOMET“ d.o.o. Olovo.

Nakon niza prepiski i zahtjeva za dopunu podneska, „GEOMET“ d.o.o. je dostavio uredan zahtjev. Na osnovu toga Ministarstvo za privredu Zeničko-dobojskog kantona zatražilo je od Općinskog vijeća Olovo Saglasnost za dodjelu koncesije na istraživanje i eksploataciju mineralne sirovine – ceruzita na proširenom istražno-eksploatacijskom polju lokaliteta “Očekalj” i “Prgoševo” K.O. Dolovi i K.O. Dugandžići, općina Olovo, aktom od 08.06.2016. godine. Općinsko vijeće Olovo dostavilo je Saglasnost, od 14.06.2016.godine, čime su stvoreni uslovi za konačnu procjenu javnog interesa.

Na osnovu pribavljene dokumentacije, Komisija za koncesije utvrdila je da za dodjelu koncesije na eksploataciju mineralne sirovine postoji javni interes, uz obavezu ispunjavanja uslova iz Saglasnosti Općinskog vijeća Olovo od 14.6.2016. godine i Saglasnosti Općinskog vijeća Olovo od 28.4.2011. godine, te je predloženo da Ministarstvo za privredu može pokrenuti postupak donošenja Odluke Vlade Kantona o pristupanju provođenja procedure dodjele koncesije na pomenutom lokalitetu po navedenim kriterijima (Zapisnik Komisije od 25.10.2016. godine). Na osnovu toga Ministarstvo je predložilo Vladi Kantona donošenje Odluke o pristupanju provođenja procedure dodjele koncesije, koju je Vlada Kantona razmatrala i donijela na sjednici od 03.11.2016. godine. Shodno navedenoj odluci, Ministarstvo za privredu je raspisalo Javni poziv za prikupljanje ponuda za izbor najpovoljnijeg Ponuđača – koncesionara za dodjelu koncesije koji je objavljen 28.11.2016. godine u listu “Oslobođenje“. S obzirom da je ponuđač, „GEOMET“ d.o.o. Olovo, ispunio opšte i posebne uslove, koji su navedeni u Javnom pozivu, Komisija za koncesije zaključila je da su ispunjeni svi uslovi za nastavak procedure dodjele koncesije (Izvještaj Komisije o provođenju procedure od 29.12.2016. godine).

Nastavak procedure (donošenje Odluke o dodjeli koncesije i zaključenje Aneksa Koncesionog ugovora) uslijedilo je u 2017. godini.

„DIM KAMENOLOM“ d.o.o Žepče

Zahtjevom za dodjelu i proširenje koncesije na istraživanje i eksploataciju mineralne sirovine lerzolita – dijabaza (proširenje) na lokalitetu “Željezno Polje” K.O. Papratnica, u općini Žepče od 29.04.2016. godine, Ministarstvu za privredu obratio se koncesionar „DIM - KAMENOLOM“ d.o.o Žepče.

Ministarstvo za privredu zatražilo je od Općinskog vijeća Žepče Saglasnost za dodjelu koncesije na istraživanje i eksploataciju mineralne sirovine – dijabaza na lokalitetu “Željezno Polje” K.O. Papratnica, općina Žepče. Na osnovu Zahtjeva Ministarstvo za privredu, Općinsko vijeće dalo je Saglasnost za mogućnost dodjele koncesije 31.03.2016. godine, čime su stvoreni uslovi za procjenu javnog interesa. Na osnovu pribavljenje dokumentacije, Komisija za kocesije utvrdila je da postoji javni interes, te je predložila da Ministarstvo za privredu može pokrenuti proceduru donošenja Odluke Vlade Kantona o pristupanju provođenja procedure dodjele koncesije za istraživanje i eksploataciju dijabaza na pomenutom lokalitetu.

Na osnovu prethodnog Ministarstvo za privredu predložilo, a Vladi Kantona je 03.11.2016. godine donijela Odluku o pristupanju provođenja procedure dodjele koncesije za istraživanje i eksploataciju mineralne sirovine - dijabaza na lokalitetu “Željezno Polje”, K.O. Prapatnica, općina Žepče. Shodno navedenoj odluci, Ministarstvo za privredu je raspisalo Javni poziv za prikupljanje ponuda, koji je objavljen 28.11.2016. godine u listu “Oslobođenje“. S obzirom da je ponuđač, “DIM KAMENOLOM” d.o.o. Breza, ispunio opšte i posebne uslove, koji su navedeni u Javnom pozivu, Komisija je smatrala da su ispunjeni svi uslovi za nastavak postupka dodjele koncesije (Izvještaj Komisije o provođenju procedure izbora od 29.12.2016. godine).

Nastavak procedure (donošenje Odluke o dodjeli koncesije i zaključenje Aneksa Koncesionog ugovora) uslijedio je u 2017. godini.

„SANEX“ d.o.o Breza

Zahtjevom za dodjelu i proširenje koncesije na istraživanje i eksploataciju mineralne sirovine – kvarcnog pijeska na lokalitetu “Nezirov Gaj” K.O. Gornja Breza i K.O. Podvinci na području općina Breza i Visoko od 03.02.2016. godine, Ministarstvu za privredu obratio se koncesionar „SANEX“ d.o.o Breza.

Na osnovu Zahtjeva za saglasnost Ministarstva za privredu od 16.03.2016. i od 12.07.2016. godine, Općinsko vijeće Breza dalo je Saglasnost na mogućnost dodjele koncesije na istraživanje i eksploataciju mineralne sirovine kvarcnog pijeska na lokalitetu “Nezirov Gaj” K.O. Gornja Breza i K.O. Podvinci 28.04.2016.godine, a Općinsko vijeće Visoko dalo je Saglasnost 29.07.2016. godine. Na osnovu pribavljene dokumentacije, Komisija za koncesije utvrdila je da postoji javni interes, te je predložila da Ministarstvo za privredu može pokrenuti proceduru donošenja Odluke Vlade Kantona o pristupanju provođenja procedure dodjele koncesije (Zapisnik Komisije od 25.10.2016. godine).

Na osnovu prethodnog Ministarstvo za privredu predložilo, a Vladi Kantona je 03.11.2016. godine donijela Odluke o pristupanju provođenja procedure dodjele koncesije za istraživanje i eksploataciju mineralne sirovine - kvarcnog pijeska na lokalitetu “Nezirov Gaj” K.O. Gornja Breza i K.O. Podvinci, na području općina Breza i Visoko. Shodno navedenoj odluci, Ministarstvo za privredu je raspisalo Javni poziv za prikupljanje ponuda, koji je objavljen 28.11.2016. godine u listu “Oslobođenje“. S obzirom da je ponuđač, “SANEX” d.o.o. Breza ispunio opšte i posebne uslove koji su navedeni u Javnom pozivu, Komisija smatra je smatrala da su ispunjeni svi uslovi za nastavak procedure dodjele koncesije (Izvjestaj Komisije o provođenju procedure izbora najpovoljnijeg ponuđača od 29.12.2016. godine).

Nastavak procedure (donošenje Odluke o dodjeli koncesije i zaključenje Aneksa Koncesionog ugovora) uslijedio je u 2017. godini.

„KOMGRAD – Z“ d.o.o. Zenica

Privrednom subjektu „KOMGRAD – Z“ d.o.o. Zenica dodjeljena je koncesija na istraživanje i eksploataciju krečnjaka u ležištu „Crkvice – Kamenolom“ – općina Zenica, a Ugovor o koncesiji potpisan je 17.12.2014. godine. Od tada Koncesionar je vršio pripreme za eksploataciju, a sredinom 2016. godine dobio je dozvolu za eksploataciju, od kada počinju teći njegove obaveze vezane za izmirivanje koncesionih naknada po Ugovoru o koncesijama.

Aktom od 19.4.2016. godine, Ministarstvu za privredu obratio se koncesionar „KOMGRAD-ZE“ d.o.o. Zenica, sa zahtjevom za dopunu Ugovora o koncesiji, u cilju preciznijeg pojašnjenja i definisanja koncesionog polja.

U fazi projektovanja Glavnog rudarskog projekta došlo se do spoznaje i potrebe preciznijeg definisanja istražno - eksploatacijskog prostora. Stoga je neophodno bilo dodatno precizirati isti, na način da se naglase granice polja prema granicama drugih parcela i prema vodotoku Babine rijeke.

Nakon dopune osnovne Odluke o dodjeli koncesije od 20.05.2016. godine, bilo je nužno izvršiti aneksiranje Ugovora o koncesiji, što je učinjeno 24.05.2016. godine.

„MGV GRADNJA“ d.o.o. Zavidovići

Aktom od 27.05.2016. godine, Ministarstvu za privredu obratio se koncesionar „MGV GRADNJA“ d.o.o. Zavidovići, sa zahtjevom za potpisivanjem Anexa na Koncesioni ugovor Br: KC 004/01, od

22.05.2001. godine, u cilju preciznijeg definisanja koncesionog polja, odnosno stvaranja preduslova za upis prava koncesionara u zemljišne knjige. Naime, nakon provedene zakonom propisane procedure, Vlada Kantona je 10.05.2001. godine donijela Odluku o dodjeli koncesije na istraživanje i eksploataciju mineralnog resursa - krečnjaka na lokalitetu „Sokolica“ kod Zavidovića, privrednom društvu „KRIVAJA“ d.o.o. Zavidovići. Na osnovu ove Odluke Ministarstvo za privredu potpisalo je Koncesioni ugovor, Br: KC 004/01.

Prema Koncesionom ugovoru Koncesionar je dužan prava iz ovog Ugovora upisati u zemljišne knjige. U tom cilju nužno je bilo u Odluci Vlade od 10.05.2001. godine izvršiti dopunu radi identifikacije parcela unutar dodjeljenog istražno-eksploatacijskog polja. Tako je Služba za upravu geodetskih imovinsko-pravnih poslova i urbanizma, Općine Zavidovići, izvršila uvid u planove novog katastarskog operata, te donijela akt Identifikacija parcela od 26.05.2016. godine, kojim su identificirane katastarske čestice i njihovi dijelovi, sa pripadajućim površinama unutar istražno-eksploatacijskog polja. Prethodno je Općinski sud u Zavidovićima, Rješenjem od 17.05.2016. godine, uspostavio zemljišnoknjižni uložak u K.O. Mitrovići, te dozvolio upis utvrđenih parcela u A i B list zemljišno knjižnog uložka.

Nakon izvršene izmjene i dopune osnovne Odluke o dodjeli koncesije od 10.05.2001. godine, utvrđene Odlukom Vlade Kantona od 14.07.2016. godine zaključen je Aneks II Koncesionog ugovora.

RMU „ZENICA“ d.o.o. Zenica

Ministarstvu za privredu 09.05.2016. godine obratio se koncesionar ZD Rudnik mrkog uglja „Zenica“ d.o.o. Zenica, sa zahtjevom za dopunu Ugovora o koncesiji broj: 04-18-12111-1/10 od 21.09.2010. godine u cilju preciznijeg pojašnjenja i definisanja koncesionog polja radi upisa prava iz Ugovora u Zemljišne knjige. Naime, nakon provedene zakonske procedure Vlada Kantona je 20.04.2010. godine donijela Odluku o dodjeli koncesije za istraživanje i eksploataciju mineralne sirovine - gornjekrednog fliša na ležištu „Veliki Gradac“, K.O. Mošćanica, općina Zenice.

U Odluci Vlade Kantona navedene su koordinate istražno - eksploatacionog polja i karakteristika parcela k.č. 593 K.O. Mošćanica. Međutim, u fazi upisa prava koncesije iz Ugovora u Zemljišne knjige, zemljišnoknjižni ured Općinskog suda u Zenici zatražio je preciznije definisanje pomenutog prostora. Stoga je bilo neophodno dodatno precizirati isti, na način da se naglase parcele prema starom i novom premjeru, te precizno utvrđena površina istražno - eksploatacijskog polja.

Nakon dopune osnovne Odluke o dodjeli koncesije, 09.06.2016. godine zaključen je Aneks Ugovora o koncesiji. Neposredno nakon toga (07.07.2016. godine) Koncesionar je ishodovao Odobrenje za eksploataciju, od kada teku obaveze Koncesionara vezane za izmirivanje koncesionih naknada.

“ABLE INVESTMENT” d.o.o. Sarajevo

Nakon što je dana 07.04.2016. godine Vlada Zeničko – dobojskog kantona donijela Odluku o davanju saglasnosti na prenos koncesije na eksploataciju sa privrednog društva “BREZA DOM” d.o.o. Sarajevo na privredno društvo “ABLE INVESTMENT” d.o.o. Sarajevo, Ministarstvo za privredu je dana 24.05.2016. godine potpisalo tripartitni Ugovor o prenošenju koncesije, zajedno sa privrednim društvom “BREZA DOM” d.o.o. Sarajevo i privrednim društvom “ABLE INVESTMENT” d.o.o. Sarajevo kojim su sva prava i obaveze iz Ugovora o koncesiji za eksploataciju mineralnog resursa krečnjaka na ležištu “Krivodol – Morava”, u Općini Breza, broj: 04-18-1299-14/03 od 15.03.2004. godine, prenešena sa privrednog društva “BREZA DOM” d.o.o. Sarajevo na privredno društvo “ABLE INVESTMENT” d.o.o. Sarajevo. Ovim je sva prava i obaveze, pa i obaveze vezane za izmirenje koncesione naknade, iz Ugovora o koncesiji preuzeo koncesionar “ABLE INVESTMENT” d.o.o. Sarajevo.

„ALMY - TRANSPORT“ d.o.o. Zenica

Na osnovu Odluke Vlade Zeničko - dobojskog kantona, broj: 02-18-4620/11 od 16.02.2011. godine, o dodjeli koncesije, na lokalitetu Bistričak – Zenica, Ministarstvo za privredu potpisalo je Ugovor o koncesiji sa koncesionarom „ALMY - TRANSPORT“ d.o.o. Zenica, broj: 04-18-4620-1/11 od 25.03.2011. godine.

Koncesionar se 23.03.2015. godine obratio Ministarstvu za privredu sa Zahtjevom za sporazumni raskid Ugovora o koncesiji. Od tada, a na osnovu Zakona o rudarstvu Zeničko-dobojskog kantona i nakon procjene dosadašnje realizacije Ugovora o koncesiji, a posebno sa aspekta upotrebe i specifičnosti mineralne sirovine (fliš – nasipni materijal), Koncesionar je u postupku ishodovanja akata potrebnih za dobijanje Dozvole za potpunu i trajnu obustavu eksploatacije. U proteklom periodu Koncesionar je uredno izmirivao svoje obaveze.

U skladu sa predhodnim Ministarstvo za privredu je uputilo Vladi Kantona Prijedlog Odluka o davanju saglasnosti Ministarstvu za privredu na pokretanje procedure raskida Ugovora o koncesiji, broj: 04-18-460-1/11 od 15.03.2011. godine, „ALMY - TRANSPORT“ d.o.o. Zenica, koju je Vlada donijela 08.09.2016. godine.

U vezi sa naprijed navedenim, a u skladu sa članovima 124., 125., i 132. Zakona o obligacionim odnosima („Službeni list Republike BiH”, broj: 2/92, 13/93 i 13/94 i "Službene novine Federacije BiH", br. 29/03), članom 21. Zakona o koncesijama (Prečišćeni tekst) („Službene novine Zeničko-dobojskog kantona” broj: 5/03), na osnovu zahtjeva „ALMY TRANSPORT“ d.o.o. Zenica i Odluke Vlade Zeničko - dobojskog kantona, broj: 02-18-15561/16 od 08.09.2016. godine, o davanju saglasnosti Ministarstvu za privredu na pokretanje procedure raskida Ugovora o koncesiji, broj: 04-18-4620-1/11 od 25.03.2011. godine, te prema Ugovoru o koncesiji, broj: 04-18-4620-1/11 od 25.03.2011. godine, Ministarstvo za privredu je aktom od 26.09.2016. godine raskinulo ovaj Koncesioni ugovor.

Privredno društvo „ALMY TRANSPORT“ d.o.o. Zenica, u skladu sa članom 46. Zakona o rudarstvu Zeničko-dobojskog kantona („Službene novine Zeničko-dobojskog kantona” broj: 10/12) u slučaju potpune i trajne obustave rudarskih radova, dužano izvršiti sanaciju i rekultivaciju posljedica rudarskih radova na okoliš, što zahtjeva provođenje procedure od projektovanja – odobravanja – izvođenja – nadzora do prijema (potvrđivanja izvedenog stanja).

“JAŠAREVIĆ KOP” d.o.o. Tešanj

Na osnovu Odluke Vlade Zeničko - dobojskog kantona, broj: 02-18-12444/06 od 11.05.2006. godine, o dodjeli koncesije, na lokalitetu Kalošević – Tešanj, Ministarstvo za privredu potpisalo je Ugovor o koncesiji sa privrednim društvom „JAŠAREVIĆ KOP“ d.o.o. Tešanj, broj: KC 19/06 od 15.09.2006. godine.

Istraživanje i eksploatacija mineralnih sirovina krečnjaka realizirana je na lokalitetu lokalitetu „Krtović“ Kalošević, Općina Tešanj, na zemljištu u vlasništvu Koncesionara. Zbog unutarnjih problema Koncesionar nije vršio eksploataciju u posljednje vrijeme.

U skladu sa Ugovorom o koncesiji na istraživanje i eksploataciju mineralnih sirovina, koji je potpisan između Ministarstva za privredu Zeničko-dobojskog kantona i privrednog subjekata „JAŠAREVIĆ KOP“ d.o.o. Tešanj – Koncesionara, obavljena je redovna kontrola ispunjavanja ugovorenih obaveza u više navrata, a posljednji uvid Komisije Ministarstva za privredu obavljen je 20.04.2016. godine kada je konstatovan ukupan dug Koncesionara u iznosu od 64.429,80 KM.

U proteklom periodu Koncesionar je utužen:

- 2008. god. – iznos: 36.050,00 KM – okončano presudom,
- 2009. god. – iznos: 4.379,20 KM – okončano presudom,
- 2012. god. – iznos: 10.500,00 KM – okončano presudom,

- 2014. god. – iznos: 3.500,00 KM – okončano presudom.

Nakon više upozorenja o neurednom plaćanju koncesione naknade, Koncesionar je obavješten da će ovoga puta Ministarstvo za privredu u saradnji sa Kantonalnim pravobranilaštvom, a posebno na osnovu Zaključka Vlade Kantona, broj: 02-14-11556/15 od 20.05.2015. godine, pokrenuti proceduru raskida koncesionih ugovora.

Pošto nije bilo reakcije privrednog društva „JAŠAREVIĆ KOP“ d.o.o. Tešanj na upozorenja Ministarstva, Vlada Zeničko-dobojskog kantona donojela je Odluku o pokretanju procedure raskida Ugovora o koncesiji za istraživanje i eksploataciju mineralne sirovine krečnjaka sa koncesionarom „JAŠAREVIĆ KOP“ d.o.o. Tešanj, broj: 02-18-13409/16 od 21.07.2016. godine.

U vezi sa naprijed navedenim, a u skladu sa članovima 124., 125., i 132. Zakona o obligacionim odnosima („Službeni list Republike BiH”, broj: 2/92, 13/93 i 13/94 i "Službene novine Federacije BiH", br. 29/03), članom 21. Zakona o koncesijama (Prečišćeni tekst) („Službene novine Zeničko-dobojskog kantona” broj: 5/03), prema Odluci Vlade Kantona o pokretanju procedure raskida Ugovora o koncesiji za istraživanje i eksploataciju mineralne sirovine krečnjaka sa koncesionarom „JAŠAREVIĆ KOP“ d.o.o. Tešanj, broj: 02-18-13409/16 od 21.07.2016. godine, te prema tački 7. Ugovor o koncesiji, broj: KC 19/06 od 15.09.2006. godine, Ministarstvo za privredu je aktom od 28.7.2016. godine raskinulo ovaj Koncesioni ugovor.

Privredno društvo „JAŠAREVIĆ KOP“ d.o.o. Tešanj, u skladu sa članom 46. Zakona o rudarstvu Zeničko-dobojskog kantona („Službene novine Zeničko-dobojskog kantona” broj: 10/12) u slučaju potpune i trajne obustave rudarskih radova, dužano izvršiti sanaciju i rekultivaciju posljedica rudarskih radova na okoliš, što zahtjeva provođenje procedure od projektovanja – odobravanja – izvođenja – nadzora do prijema (potvrđivanja izvedenog stanja).

2.3. Koncesiona naknada i eksploatirane količine čvrstih mineralnih sirovina u 2016. godini

U tabeli 3. dat je pregled eksploatiranih količina mineralnih sirovina, uplaćenih koncesionih naknada i dugovanja, prema zapisnicima za 2016. godinu.

Upoređujući podatke iz prethodnih godina sa podacima za 2016. godinu, može se zaključiti sljedeće:

- Nastavljen je trend da neki privredni subjekti sa potpisanim koncesionim ugovorom, koji nisu eksploatisali mineralnih sirovina u 2015. godini, nisu vršili eksploataciju čvrstih mineralnih sirovina ni u 2016. godini.
- Obaveze po zapisnicima, odnosno dug koncesionara po osnovu koncesionih naknada za 2016. godinu su umanjene u odnosu na prethodne godine (u 2014. godini dug je bio 938.381,59 KM, u 2015. godini je 745.545,20 KM, a u 2016. godini je bio **746.105,93 KM**).

U narednoj tabeli dat je pregled stanja ugovorenih obaveza po osnovu koncesionih naknada za eksploatisane količine mineralnih sirovina prema zapisnicima za 2016. godinu.

Tabela 3: Stanje ugovorenih obaveza po osnovu koncesionih naknada za eksploatacane količine mineralnih sirovina prema zapisnicima za 2016. godinu

Red. Br.	KONCESIONAR I SJEDIŠTE DATUM UGOVORA	KONC. NAKNADE I KOLIČ. MIN. SIR. PO ZAPISNICIMA ZA 2016. GODINU			GODIŠNJA UGOVOR. MINIM. OBAVEZA /KM/	DUG PO ZAPISN. ZA 2015. GODINU /KM/	TUŽBE	NAPOMENA
		TRENT. STANJE OBAVEZA /KM/	EKSPLOA. KOLIČINE MIN. SIROVINA	UPLAĆ. DO DATUMA ZAPISNIKA /KM/				
1.	TRGOŠPED Kakanj 1.10.2003.	0,00	70.384,00 m ³ r. m.	33.090,80	33.000,00	90,80		
2.	LIBOS Žepče 11.12.2009.	85.000,00	0,00	0,00	17.000,00	68.000,00	-2014. god. – iznos: 17.000,00 KM – u toku -2016. god. – iznos: 34.000,00 KM – u toku	
3.	SANEX Breza 23.4.2007.	0,00	9.985,00 m ³ r. m.	20.000,00	10.000,00	10.000,00		
4.	CESTING Žepče 19.10.2009.	77.000,00	0,00	27.000,00	16.000,00	88.000,00	-2014. god. – iznos: 61.000,00 KM -Presuda donesena 27.1.2016.g.	IZMIREN DIO DUGA PO PRESUDI
5.	AMINA TRADE Olovo 15.3.2004.	11.000,00	20.000,00 m ³ r. m.	60.334,50	11.000,00	60.334,50		
6.	DIM KAMENOLOM Žepče 16.9.2008.	72.802,43	88.783,45 m ³ č. m.	75.466,60	17.222,00	75.466,60		
7.	JASAREVIĆ KOP Tešanj 15.9.2006.	Po Zapisniku za 2016. god. 64.929,80	0,00	0,00	3.500,00	Po Zapisniku za 2015.god. 61.429,80	- 2008. g. – iznos: 36.050,00 KM – presuda - 2009. g. – iznos: 4.379,20 KM – presuda - 2012. g. – iznos: 10.500,00 KM – presuda - 2014. g. – iznos: 3.500,00 – presuda	RASKINUT KONCESIONI UGOVOR

Red. Br.	KONCESIONAR I SJEDIŠTE DATUM UGOVORA	KONC. NAKNADE I KOLIČ. MIN. SIR. PO ZAPISNICIMA ZA 2016. GODINU			GODIŠNJA UGOVOR. MINIM. OBAVEZA /KM/	DUG PO ZAPISN. ZA 2015. GODINU /KM/	TUŽBE	NAPOMENA
		TRENT. STANJE OBAVEZA /KM/	EKSPLOA. KOLIČINE MIN. SIROVINA	UPLAĆ. DO DATUMA ZAPISNIKA /KM/				
8.	RKB Breza 1.10.2003.	296.511,54	108.113,16 m ³ r. m.	0,00	20.000,00	253.266,28	-2009. god. – iznos: 174.027,40 KM presuda -2014. god. – iznos: 53.870,32 KM – presuda -2016. god. – iznos: 81.987,12 KM – u toku	
9.	BBM VAREŠ Vareš 17.5.2002.	Preplata 0,58	557,95 m ³ r.m. spilit 3.065,46 m ³ r.m. kreč.	40.734,00	43.500,00	Preplata 2.766,58	-2006.godina . iznos: 187.233,42 KM Presuda Vrhovnog suda Uplata 2013.g. 190.000,00 KM -22.7.2015. ULOŽENA APELACIJA Ustavnom sudu BiH	
10.	E&P Zavidovići 26.4.2006.	37.500,00	19.769,92 m ³ r. m.	37.500,00	37.500,00	37.500,00		
11.	MGV GRADNJA Zavidovići 22.5.2001.	92.998,62	129.498,62 m ³ r. m.	80.193,37	28.000,00	43.693,37		
12.	IGM Visoko 30.10.2001.	Preplata 2.313,76	38.932,80 m ³ č. m.	13.246,89	-	Preplata 2.313,76		Dodatni premjer
13.	TVORNICA CEMENTA Kakanj 12.9.2009.	0,00	441.595,48 t	353.267,37	-	0,00		
14.	ABLE INVESTMENT Sarajevo 24.5.2016.	40.520,25	2.850,00 m ³ r. m.	0,00	22.500,00	18.020,25		Dodatni premjer

Red. Br.	KONCESIONAR I SJEDIŠTE DATUM UGOVORA	KONC. NAKNADE I KOLIČ. MIN. SIR. PO ZAPISNICIMA ZA 2016. GODINU			GODIŠNJA UGOVOR. MINIM. OBAVEZA /KM/	DUG PO ZAPISN. ZA 2015. GODINU /KM/	TUŽBE	NAPOMENA
		TRENTUT. STANJE OBAVEZA /KM/	EKSPLOA. KOLIČINE MIN. SIROVINA	UPLAĆ. DO DATUMA ZAPISNIKA /KM/				
15.	ŽGP Zenica 28.8.2013.	26.164,58	66.949,00 m ³ č. m.	63.503,60	38.800,00	24.703,60		Dodatni premjer
16.	<i>ALMY TRANSPORT Zenica 25.3.2011.</i>	<i>Po Zapisniku za 2016. god. 5.040,00</i>	0,00	0,00	5.040,00	<i>Po Zapisniku za 2015. god. 5.040,00</i>		<i>RASKINUT KONCESIONI UGOVOR</i>
17	RUDNIK MRKOG UGLJA ZENICA Zenica 20.04.2010.	Počev od 7.7.2016. god. 10.080,00	0,00	0,00	21.000,00	0,00		POČETAK EKSPLOA- TACIJE
18	KOMGAD - ZE Zenica 17.12.2014.	Počev od 25.5.2016. god. 22.693,09	27.674,50 m ³ č. m.	0,00	33.620,00	0,00		POČETAK EKSPLOA- TACIJE
	UKUPNO	746.105,93		804.433,13		745.545,20		

Određeni broj privrednih subjekata sa potpisanim koncesionim ugovorom nije u 2016. godini vršio eksploataciju. Ovo je vrlo zabrinjavajuća činjenica koja može biti posljedica više faktora, a neki su:

- Došlo je do razlike u kvalitetu eksploatisanih mineralnih sirovina, tako da se mnogo više upotrebljavao i eksploatisao kvalitetniji kamen u odnosu na lošije kvalitetne;
- Udaljenost kamenoloma u kojem se vrši eksploatacija od većih privrednih centara (Sarajevo, Zenica, Visoko, Kakanj), te opterećenje cijene koštanja čvrste mineralne sirovine cijenom transporta. Sirovine nisu konkurentane cijenom u odnosu na bliže kamenolome kod kojih je cijena transporta niža. Ovo se posebno odnosi na „BBM-Vareš“ d.o.o.Vareš, „Amina Trade“ d.o.o. Sarajevo, čiji se kamenolomi nalaze daleko od mjesta gdje se vrše poslovi niskogradnje i visokogradnje, te od trase koridora V-c;
- Vjerovatne unutarnje slabosti, što se posebno odnosi na „Libos“ d.o.o. Žepče, „Cesting“ d.o.o. Žepče i „Able Investment“ d.o.o. Sarajevo.

3. PRIHODI OD KONCESIONIH NAKNADA U 2016. GODINI

3.1. Prihodi od jednokratne koncesione naknade u 2016. godini

U 2016. godini nije bilo potpisanih novih koncesionih ugovora, pa samim tim nije ostvaren ni prihod od jednokratne koncesione naknade.

3.2. Prihodi od kontinuirane koncesione naknade u 2016. godini

U budžetskoj 2016.godini, prema podacima Ministarstva finansija, uplaćeno je **804.433,13 KM** na ime kontinuirane koncesione naknade, od čega je alocirano općinama **612.790,76** i Kantonu **183.837,22 KM**.

Pregled uplaćene kontinuirane koncesione naknade i eksploatisanih mineralnih sirovina preme zapisnicima za 2016. godinu prikazan je u tabeli 3. U istoj tabeli dat je pregled obaveza koncesionara na dan potpisivanja zapisnika (06.04. do 28.04.2017.godine), koje su evidentirane u iznosu od **713.332,84 KM, odnosno 746.105,93 KM** sa dva nova koncesionara (RMU „Zenica“ i „Komgrad-ZE“ Zenica). Upoređujući ovaj podatak sa stanjem po zapisnicima za 2014. i 2015. godinu, evidentno je da su dugovanja manja.

4. RASHODI IZ KONCESIONIH NAKNADA U 2016. GODINI

4.1. Rashodi prema Programu utroška budžetskih sredstava od koncesija za 2016. godinu

U nastavku ove Informacije dat je pregled utroška budžetskih sredstava od koncesija u 2016. godini prema Programu utroška sredstava usvojenog Zaključkom Vlade Kantona broj: 02-02-10314/16 od 20.05.2016. godine.

Iz Budžeta Kantona (prihod od koncesija) Ministarstvo za privredu je finansiralo sljedeće projekte:

1) Za sufinansiranje pripreme izgređne poslovnih zona utrošena su sljedeća sredstva:

- Općina Usora - Poslovana zona „Lugovi“, (Faza I, Korak 1.), u iznosu od 5.000,00 KM, na ime izrade Glavnog projekta Poslovne zone „Lugovi“.
- Općina Tešanj - Poslovna zona "Bukva" (Faza I - Korak 1. i 2.), u iznosu od 4.539,60 KM, na ime izrade Glavnog projekta saobraćajnice u Poslovnoj zoni "Bukva".

- 2) Za potrebe Komisije za praćenje realizacije ugovora o koncesijama, odnosno utvrđivanje eksploatisanih količina mineralnih sirovina na kamenolomima u 2016. godini utrošeno je 6.153,94 KM.
- 3) Realizirani su poticaji po Projektu subvencioniranja energetske efikasnosti javnih objekata (škole), te je evidentiran utrošak provođenja energetskog audita za 6 škola u iznosu od 36.389,20 KM.

4.2. Alokacija koncesionih naknada po općinama u 2016. godini

Prema Odluci Vlade Kantona, broj: 02-14-2098/13 od 24.1.2013. godine ("Službene novine Zeničko-dobojskog kantona", broj: 1/13), o načinu rasporeda sredstava od koncesija, 70% ukupnog iznosa prikupljenih sredstava u 2016. godini alocirano - uplaćeno je općinama na čijoj teritoriji se vrši eksploatacija mineralnih sirovina.

Alocirana sredstva prikupljena od koncesionih naknada u budžetskim 2016. i 2015. godini prikazana su u narednoj tabeli.

Tabela 4. Alocirana sredstva prema općinama u 2015. i 2016. godini

R. br.	OPĆINA	ALOCIRANA SREDSTVA U 2016. GOD. /KM/	ALOCIRANA SREDSTVA U 2015. GOD. /KM/
1.	ZENICA	50.583,75	68.978,00
2.	KAKANJ	291.518,65	251.286,72
3.	BREZA	14.000,00	150.286,70
4.	VISOKO	7.214,13	14.420,30
5.	ZAVIDOVIĆI	112.599,70	49.000,00
6.	ŽEPČE	66.126,58	18.715,70
7.	OLOVO	14.000,00	0,00
	UKUPNO	612.790,76	621.782,92

6. ZAKLJUČAK

Sublimirajući i upoređujući podatke predhodnih godina sa podacima iz 2016. godine, može se zaključiti sljedeće:

- Nastavljen je trend da privredni subjekti, koji nisu eksploatisali mineralne sirovine u 2014. i 2015. godini, nisu vršili eksploataciju mineralnih sirovina ni u 2016. godini;
- Obaveze na ime koncesione naknade za 2016. godinu su povećane u odnosu na predhodnu godinu kod koncesionara: „RKB“ d.o.o. Breza, „Libos“ d.o.o. Žepče i „Able Investment“ d.o.o. Sarajevo;
- Zbog kontinuiranih problema u vezi realizacije koncesionih ugovora Ministarstvo za privredu je u 2016. godini, u saradnji sa Kantonalnim pravobranilaštvom i uz saglasnost Vlade Kantona raskinulo koncesione ugovore sa privrednim subjektima „Jašarević Kop“ d.o.o. Tešanj i „Almy Transport“ d.o.o. Zenica;
- Nastavak izgradnje trase autoputa na koridoru V-c kroz područje Zeničko-dobojskog kantona trebao bi da rezultira povećanjem potražnje za proizvodima od mineralnih sirovina, što bi znatno poboljšalo stanje kod koncesionara.

OBRADIO:
Pomoćnik ministra
Amir Abazović

MINISTAR
Zlatko Jelić dipl.oec.